

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA NOVI GRAD SARAJEVO
OPĆINSKI NAČELNIK

Broj: 02/12-23-25474/18
Sarajevo, 24.01.2019.godine

Na temelju člana 24. stav (1) tačka a) i 70. Zakona o javnim nabavkama ("Službeni glasnik BiH", broj 39/14) i člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015.godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/125-05-10708/18 od 16.05.2018.godine, a na preporuku Komisije za javnu nabavku radova, Općinski načelnik d o n o s i:

ODLUKU

o dodjeli ugovora i odabiru najpovoljnijeg ponuđača

I Prihvata se preporuka Komisije i ugovor u predmetu „Izvođenje dodatnih radova na nastavku izgradnje objekta Dom oslobodilaca po ugovoru br. 02/12-23-25840/17 od 20.03.2018.godine, dodjeljuje se ponuđaču SELA doo Sarajevo sa iznosom konačne ponude 19.890,00 KM sa uračunatim PDV-om.

II Otvaranje i analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama. Zapisnik sa otvaranja ponuda, zapisnik o pregovaranju i Zapisnik o radu Komisije sa preporukom za dodjelu ugovora u spisu.

III Zadužuje se Služba za zajedničke poslove, da obavijesti učesnika pregovaračkog postupka o prihvatanju ponude, a u skladu sa datim Zapisnikom o radu Komisije i preporukom za dodjelu ugovora, te nakon isteka žalbenog roka pripremi prijedlog ugovora i u predviđenom zakonskom roku dostavi odabranom ponuđaču na potpis.

IV Obavezuje se ponuđač iz stava I ove Odluke da u roku od 5 dana od prijema obavijesti o rezultatima postupka, dostavi dokumente navedene u članu 45. stav 2. tačka od a) do d), ne starije od tri mjeseca računajući od momenta dostavljanja ponude.

O b r a z l o ž e n j e

Uvidom u dostavljeni izvještaj o radu Komisije i preporuku za dodjelu ugovora konstatovano je sledeće:

Tokom realizacije Ugovora broj 02/12-23-25840/17 od 20.03.2018.godine o izvođenju radova izgradnje objekta Dom oslobodilaca, ukazala se potreba za izvođenjem dodatnih radova.

Opravdanost provođenja pregovaračkog postupka utvrđena je na osnovu Obrazloženja stručno-tehničkog nadzora br. 07/08/2018 od 14.08.2018.godine i dostavljenog Obrazloženja Službe za investicije i komunalne poslove br. 02/08-23-7158/18 MS od 22.10.2018.godine. Navedenim aktima potvrđena je opravdanost izvođenja dodatnih radova, koji su tehnički opravdani, kao i uslov za okončanje projekta iz Osnovnog ugovora.

U vezi sa tim, Služba za investicije i komunalne poslove obratila se sa Zahtjevom za odobravanje nabavke, nakon čega Služba za zajedničke poslove upućuje Zahtjev za pokretanje postupka javne nabavke broj 02/12-sl od 10.12.2018.godine Općinskom načelniku.

Postupajući po gore navedenim zahtjevima, a u skladu sa članom 18. stav 1) Zakona o javnim nabavkama („Službeni glasnik BiH broj 39/14“) Općinski načelnik donio je Odluku o pokretanju postupka javne nabavke za „Izvođenje dodatnih radova na nastavku izgradnje objekta Dom oslobodilaca po ugovoru

br. 02/12-23-25840/17 od 20.03.2018.godine“, putem pregovaračkog postupka bez objavljivanja obavještenja o javnoj nabavci. Poziv za učešće u pregovaračkom postupku broj 02/12-23-25474/18 od 21.12.2018.godine upućen je izvođaču radova Sela doo Sarajevo“, za dostavu ponude za izvođenje dodatnih radova u predmetnoj nabavci.

Dana 28.12.2018.godine Komisija je otvorila dostavljenu inicijalnu ponudu koja predstavlja osnov za pregovaranje. Komisija konstatuje da ponuđena cijena za ugovor u inicijalnoj ponudi iznosi 17.000,00 KM bez PDV-a, odnosno 19.890,00 KM sa uračunatim PDV-om, dok su ostali elementi ponude - rok izvođenja radova 30 dana računajući od dana uvođenja u posao, garantni rok za izvedene radove 2 godine računajući od dana primopredaje radova i način plaćanja bez avansa, nakon primopredaje radova u zakonskom roku. Zapisnik o otvaranju dostavljen ponuđaču na fax.

U toku pregovora Komisija je razmatrala mogućnost smanjenja cijene u inicijalnoj ponudi, te pregovarala sa ponuđačem o istom. Ponuđač je izjavio na zapisnik da “ostaje pri ponuđenoj cijeni iz inicijalne ponude”.

Komisija je izvršila računsku kontrolu ponude te je utvrdila da ista ima računsku grešku:

- na stranici 5 ponude- II BETONSKI I AB RADOVI; 2. Betoniranje B sokol zida d=15 cm/sve prema uputama inženjera i investitora sa betonom MB 30...” stoji 2,28 210,00 778,80, a treba da stoji 2,28 210,00 478,80.

Gore navedena računaska greška, nije uticala na ukupan iznos ponude obzirom da je kod rekapitulacije ponuđač kalkulisao sa ispravnom cijenom.

U skladu sa primjenom Zakona o javnim nabavkama, Komisija je dostavila ponuđaču akt kojim je traženo izjašnjenje na uočene računske greške. Aktom od 16.01.2019.godine ponuđač je dao saglasnost na uočenu računsku grešku.

Komisija je zatražila da se ponuđač dostavi konačnu ponudu, te je ponuđač istu dostavio dana 16.01.2019.godine, kojim je potvrđeno da konačna ponuda iznosi 19.890,00 KM sa PDV-om.

Komisija je izvršila analizu konačne ponude i utvrdila da ista u cijelosti ispunjava sve uslove tražene tenderskom dokumentacijom i da je ista i računski ispravna.

Nakon svih provedenih aktivnosti, Komisija je konačnu ponudu putem Službe za investicije i komunalne poslove, dostavila Nadzornom organu na uvid.

Nadzor je izvršio uvid u konačnu ponudu ponuđača i svojim aktom od 21.01.2019. godine utvrdio da je ista u skladu sa postojećim Osnovama, te istekao da je konačna ponuda u skladu sa aktuelnim tržišnim cijenama, te preporučio Investitoru da je prihvati. Obzirom na navedeno dostavljena ponuda je prihvatljiva.


U toku pregovaračkog postupka postignut je dogovor oko svih uslova ugovora. Iz navedenih razloga, a primjenom člana 64. stava 1) tačka b) Zakona o javnim nabavkama, odlučeno je kao u dispozitivu Odluke.

Pouka o pravnom lijeku

Ponuđač koji je sudjelovao u postupku nadmetanja može radi zaštite svojih prava i pravnih interesa, izjaviti žalbu Uredu za razmatranje žalbi putem ugovornog organa u roku od 10 dana od prijema pismene obavijesti (Odluke) o izboru najpovoljnijeg ponuđača. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.


Obradila

Enisa Babić, dipl. pravnik



Dostaviti:

1. Ponuđaču
2. Služba za zajedničke poslove
3. A r h i v i / u spis



Općinski načelnik

mr. Semir Efendić